
अमीर खुसरो

कव्वाली

छाप¹-तिलक तज दीन्ही² रे, तोसे नैना³ मिला के ।
प्रेम बटी⁴ का मदवा⁵ पिलाके
मतवारी⁶ कर दीन्ही रे, मोसे नैना मिला के ।
खुसरो निजाम पै बलि⁷-बलि जइए,
मोहे सुहागन⁸ कीन्ही रे, मोसे नैना मिला के ।

गीत

काहे⁹ को ब्याही बिदेस¹⁰ रे,
लखि¹¹ बाबुल मोरे!
हम तो बाबुल तोरे बागों की कोयल
कुहुकत¹² घर-घर जाऊं, लखि बाबुल मोरे ।
हम तो बाबुल तोरे खेतों की चिड़िया,
चुग्गा¹³ चुगत¹⁴ उड़ि जाऊं, लखि बाबुल मोरे ।
हम तो बाबुल तोरे बेले¹⁵ की कलियाँ,
जो मांगे चली जाऊं, लखि बाबुल मोरे ।
हम तो बाबुल तोरे खूँटे¹⁶ की गइया,
जित हांको¹⁷ हंक जाऊं, लखि बाबुल मोरे ।
लाख की बाबुल गुड़िया जो छाड़ी,
छोड़ि सहेलिन का साथ, लखि बाबुल मोरे ।
महल तले¹⁸ से डोलिया जो निकली,

1. धार्मिक प्रतीकों के चिह्न जिन्हें वैष्णव लगाते हैं। 2. त्याग देना (तज दीन्ही) 3. आँखें 4. जड़ी-बूटी 5. रस, मदिरा 6. मतवाली 7. बलिहारी 8. सौभाग्यवती, विवाहित स्त्री जिसका पति जीवित हो 9. क्यों 10. परदेश 11. देखो 12. कोयल की आवाज 13. दाना 14. खाना 15. लताएँ 16. लकड़ी का खूँटा जिसमें गाय आदि जानवर बाँधे जाते हैं 17. गाय आदि जानवरों को चलाना 18. नीचे

भाई ने खाई पछाड़, लखि बाबुल मोरे।
आम तले से डोलिया जो निकली,
कोयल ने की है पुकार, लखि बाबुल मोरे।
तू क्यों रोवे है, हमरी कोइलिया,
हम तो चले परदेष, लखि बाबुल मोरे।
नंगे पाँव बाबुल भागत¹⁹ आवै,
साजन डोला लिए जाय, लखि बाबुल मोरे।।1।।

बहुत कठिन है डगर²⁰ पनघट²¹ की
कैसे मैं भर लाऊँ मधवा²² से मटकी।
मोरे अच्छे निजाम पिया –
कैसे मैं भर लाऊँ मधवा से मटकी
जरा बोलो निजाम पिया,
पनिया भरन को मैं जो गई थी –
दौड़ झपट मोरी मटकी-पटकी। बहुत कठिन है –
खुसरो निजाम के बलि-बलि जाइये
लाज राखे मोरे घूंघट²³ पट²⁴ की – ।।3।।

पहेलियाँ

बाला²⁵ था जब सबको भाया²⁶। बढ़ा हुआ कछु काम न आया।।
खुसरू कह दिया उसका नाँव²⁷। अर्थ करो नहिं छोड़ो गाँव।।1।।

दीया

सावन भादों बहुत चलत है माघ पूस में थोरी।
अमीर खुसरों यो कहे तू बूझ पहेली मोरी।।2।।

मोरी

19. भागकर, दौड़कर 20. रास्ता 21. पानी भरने का घाट 22. मधु, शहद 23. साड़ी का किनारा जिससे स्त्री चेहरा (मुँह) ढक लेती है 24. पर्दा, आड़ 25. छोटा 26. अच्छा लगा 27. नाम

एक नार पिया को भानी। तन वाको सगरा²⁸ जों पानी ॥
आब²⁹ रखे पर पानी नाँह। पिया को राखे हिर्दय माँह ॥
जब पी को वह मुख दिखलावे। आपहि सगरी पी हो जावे ॥3 ॥

दर्पण

एक थाल मोती से भरा। सबके सिर पर औँधा धरा ॥
चारों ओर वह थाली फिरे। मोती उससे एक न गिरे ॥4 ॥

आकाश

एक नार ने अचरज किया। सांप मार पिंजरे में दिया ॥
जों जों सांप ताल को खाए। ताल सूख सांप मर जाए ॥5 ॥

दीया बत्ती

आदि कटे सो सब को पाले। मध्य कटे से सब को मारे ॥
अंत कटे से सबको मीठ। खुसरू वाको³⁰ आँखों दीठा³¹ ॥6 ॥

काजल

कह मुकरियाँ

बरसा बरस वह देस में आवे। मुँह से मुँह लगा रस प्यावे ॥
वा खातिर में खरचे दाम। ऐ सखी साजन ना सखी आम ॥1 ॥
आँख चलावे भौँ मटकावे। नाच कूद के खेल खिलावे।
मन में आवे ले जाऊँ अंदर। ऐ सखी साजन ना सखी बंदर ॥2 ॥
नित मेरे घर वह आवत है। रात गए फिर वह जावत है ॥
फँसत अमावस गोरि के फंदा। ऐ सखी साजन ना सखी चंदा ॥3 ॥
एक सजन वह गहरा प्यारा। जा से घर मेरा उजियारा ॥
भोर भई तब बिदा मैं किया। ऐ सखी साजन ना सखी दिया ॥4 ॥

28. सब, समस्त 29. चमक, कांति 30. उसको 31. दीखना

दोहे

गोरी³² सोवे सेज³³ पर मुख पर डारे केस³⁴,
चल खुसरो घर आपने रैन³⁵ भई चहुँ देष ॥1॥

खुसरो रैन सोहाग की, जागी पी³⁶ के संग ।
तन मेरो मन पीऊ³⁷ को दोऊ भए एक रंग ॥2॥

देख मैं अपने हाल³⁸ को रोऊं, जार-ओ-जार ।
वे गुनवन्ता³⁹ बहुत है, हम हैं औगुन⁴⁰ हार ॥3॥

चकवा चकवी⁴¹ दो जने इन⁴² मारे न कोय ।
ईह मारे करतार⁴³ कै रैन बिछोही होय ॥4॥

सेज सूनी देख के रोऊं दिन-रैन ।
पिया पिया कहती मैं पल भर सुख न चैन ॥5॥

32. गौर वर्ण वाली 33. पलंग, कब्र 34. बाल 35. रात 36. प्रियतम (ब्रह्म) 37. प्रियतम, पति 38. दशा, अवस्था 39. गुणवान
40. अवगुण 41. नर एवं मादा सुरखाब पक्षी 42. यह 43. विद्याता